

POSJETA NADZORNE MISIJE SVJETSKE BANKE FEDERACIJI BOSNE I HERCEGOVINE

09.06.2015 14:57



Nadzorna misija Svjetske banke je u posjeti Bosni i Hercegovini, u okviru koje boravi u Federaciji Bosne i Hercegovine u periodu od 5. do 11. juna 2015. godine. Svrha posjete je procjena napretka realizacije i razmatranje predstojećih aktivnosti u nastavku uspješne implementacije Projekta registracije nekretnina. Nadzornu misiju Svjetske banke predvode gosp. Mika Torhonen i gosp. Camille Bourguignon.

Delegacija se sastala s Željkom Obradovićem, direktorom Federalne uprave za geodetske i imovinskopravne poslove, Matom Jozićem, ministrom pravde u Vladi FBiH, Nedžadom Pašalićem, rukovodiocem Jedinice za implementaciju Projekta, te osobljem Jedinice. Predstavnici nadležnih federalnih institucija su istaknuli spremnost da nastave aktivno učešće u nastavku uspješne implementacije Projekta registracije nekretnina, a članovi Nadzorne misije su izrazili zadovoljstvo dosadašnjim napretkom Projekta u Federaciji BiH.

Članovi Nadzorne misije tima Svjetske banke će održati više tematskih sastanaka s predstavnicima institucija Federacije BiH i Jedinicom za implementaciju Projekta registracije nekretnina u FBiH. U okviru boravka delegacije Svjetske banke, predviđena je i posjeta općini Tešanj i Zemljišnoknjižnom uredu Općinskog suda u Tešnju, s ciljem uvida u aktivnosti na terenu na usaglašavanju podataka o nekretninama između katastra i zemljišne knjige.

Završni sastanak će biti održan u srijedu 10. juna, u prostorijama Federalne uprave za geodetske i imovinsko-pravne poslove, a zajednički sastanak nadležnih institucija i članova nadzorne misije sa predstavnicima donatora će se održati u četvrtak 11. juna.